

ganczen gemeine rich und arm alt und jung umbe notdurft willen der obin genanten
 unser stat und sunderlichin als von kouffes wegen, den wir mit dem gestrengen manne
 er Apel Vicztum ritter zu Roßla gesessin umbe die dorffer Mudigistorf und Bertilsdorff,
 den zcol in unser stat und ouch ander guter darynne und darumbe gelegin geton habin,
 5 recht und redelich vorkouft habin dem ersamen Johannse Aschersleibin orgelmeister,
 Claren siner elichin wirtynne zu irer beider liebe und lebetagin und vorkouffin unsern
 frien hof in unser stat gein den nedern monchin uber gelegin, den wir widder den
 obin genanten ern Apel Vicztum mit den obin genanten dorffern zcolle und andern gutern
 gekouft habin und ouch der vom Honsberge vormals gewest und mit aller frieheit, als der
 10 an uns komen ist, und habin in den gegeben vor LX guter Rinischer guldin, die sie uns
 an bereytim golde nuczlichin und woel bezalt habin —. Die obin genanten Johannes
 Aschersleibin und Clare sine eliche wertinne sollen den obin geschriben hoff mit gertin
 und aller siner buwungen inne habin haldin und des gebruchin zu irer beider libin
 und lebetagin und den ouch mit dachungen und allem gebuwede, das darane not sin
 15 wirdet, in ordelichim wesen behaldin und den nicht zufallen lassen. Sundern die zewene
 grossin bodem in dem vordern huse uber eynander, daruber wir iezund das dach sollen
 fertigin, habin wir uns und unser stat zu behaldunge ires getredes und was sie daruf
 legin werdin, uzgezogin und darczu lediclichin behaldin und sollin ouch die zu der
 20 iezund genantin unser notdurft habin und nymandes daruff buwlichin seczezin vormitin
 noch in mit andern sachin damidte beswerin, des der obin genante Johans orgelmeister,
 Clare sine eliche wertynne sich ganz vorwillet habin und mit gutim willin und wissen
 zugegeben habin. Und wanne sie mit dem tode abegegangin sind beide, das got lanng
 wende, danne so sal der obin berurter hof mit aller siner buwungen widder an die stat
 lediglich komen und gefallen ane eines idermannes inlage und hindernisse alle arg[ist]
 25 darinne hindan gesaczt. Das alle obin geschriben rede stucke und punckte und artikele
 dißs brives von uns und unsern nochkomen stete ganz und unvorbrochlichin gehalten
 werdin, des zu bekentnis 2c. Datum feria 3^a ipso die Margarete anno 2c. XLV^{to}.

254.

Altenburg, 1445 Sept. 10.

30 *Hdschr.: Or. Pap. Hauptstaatsarchiv Dresden No. 6873.*
Gebr.: Lünig Reichsarchiv Part. Spec. Cont. II. 222.

*Herzog Wilhelm theilt die Lande zwischen sich und seinem Bruder Kurfürst
 Friedrich II. — — — Auch seczen und ordenen wir obgnanter herezog Wilhelm, das
 Friberg hus und stad mit dem bergwerke muncze und zehinden, mit dem lantgerichte
 35 stadgericht berggericht und mit allen renten nuzen herrschafften lehin geistlichin und
 wertlichin und darczu alle bergwergke, die wir yezund daselbs zu Friberg und in der
 pflege habin adir noch dorinne uffstunden, unnsrer beider parthien glich mit eynandir sin
 unde ungesundirt bliben und wir die mit eynandir glich getruwelich schuezen verteidigen
 und furdern sullen ane geverde. — — — Gegeben zu Aldenburg uff frietag nach unser
 40 lieben frauwen tage nativitatis — vierzehin hundirt und in dem funff und vierzigsten jaren.*